

卷五十八

書名 史記一百三十卷 慶長元和間古活字印本
 撰者 漢 司馬遷 撰，劉宋 裴駙 集解，唐 司馬貞 索隱，唐 張守節 正義
 卷 卷五十八
 內容分類 史-正史-分刻-史記
 索書號 貴重-30
 編號 B1112300

[彩色首頁1](#)
[彩色首頁2](#)

[東洋文化研究所漢籍目錄 編號: B1112300](#)
[東洋文化研究所漢籍目錄所藏漢籍善本文影像資料庫 索書號: 貴重-30](#)
[漢籍善本文影像資料庫文本史記一百三十卷 慶長元和間古活字印本](#)
 版權所有: [東京大學](#) [東洋文化研究所](#)
[使用上的注意事項](#)

三皇本紀


補史紀 小司馬氏撰并注

小司馬氏云太史公作史記古今君臣宜應上自開闢下迄當代以為一家之首尾今闕三皇而以五帝為首者正以大戴禮有五帝德篇又帝世皆叙自黃帝已下故因以五帝本紀為首其實三皇已遷載籍罕備然君臣之始教化之先既論古史不合全關近代皇甫謐作帝王代紀徐整作三五歷皆論三皇已來事斯亦近古之一證今並採而集之作三皇本紀

雖復淺近聊補闕云

大皞氏風姓代燧人氏繼天而王母曰

所究研京東院學化文方東
No. 146



不 許 複 製
NOT TO BE REPRODUCED
東京大学東洋文化研究所



梁孝王世家第二十八

史記五十八

梁孝王武者孝文皇帝子也而與孝景帝同

母母竇太后也孝文帝凡四男長子曰太子

是為孝景帝次子武次子參次子勝

正義曰漢書勝

作揖又云諸姬生代孝王參梁懷王揖言諸姬者衆妾卑賤史不書姓故云諸姬也孝

文帝即位二年以武為代王

徐廣曰都中都正義曰括地

志云中都故城在汾州平通縣西

以參為太原王

徐廣曰都晉陽○正

義曰括地志云并州太原地名大明城即古晉陽城晉伯與韓魏攻趙襄子於晉陽即此

也。以勝為梁王。徐廣曰：都睢陽。○索隱曰：漢書梁王名揖，蓋是矣。按景帝

子中山靖王名勝，是史記誤耳。○正義曰：括地志云：宋州宋城縣在州南二里外，城中本

漢之睢陽縣。漢文帝封子武於大梁，以其卑濕，徙睢陽，故改曰梁。二歲徙代

王為淮陽王。徐廣曰：都陳。○正義曰：即古陳國城。以代盡與太

原王，號曰代王。參立十七年，孝文後二年卒。

謚為孝王子，登嗣立，是為代共王。立二十九

年。元光二年，率子義立，是為代王。十九年，漢

廣關以常山為限，而徙代王王清河。徐廣曰：都清陽。

○正義曰：括地志云：清陽故城在貝州清縣西北。清河王徙以元鼎

三年也。初，武為淮陽王，十年而梁王勝率謚

為梁懷王。懷王最少子，愛幸異於他子。其明

年，徙淮陽王武為梁王。梁王之初，王梁孝文

帝之十二年也。梁王自初王，通歷已十一年

矣。索隱曰：謂自文帝二年初封代後，徙淮陽又徙梁，通數文帝二年至十二年徙梁為

十一年。梁王十四年入朝，十七年十八年比年

入朝，留其明年，乃之國。二十一年入朝，二十

二年孝文帝崩二十四年入朝二十五年復入朝是時上未置太子也上與梁王燕飲嘗從容言曰千秋萬歲後傳於王王辭謝雖知非至言然心內喜太后亦然其言春吳楚齊趙七國及吳楚先擊梁棘壁文穎曰地名○索隱曰按左氏傳宜公二年宋華元戰于大棘杜預云在襄邑東南蓋即棘壁是也○正義曰括地志云大棘故城在宋州寧陵縣西南七十里殺數萬人梁孝王城守睢陽而使韓安國張羽等為大將軍以距吳楚

吳楚以梁為限不敢過而西與太尉亞夫等

相距三月吳楚破而梁所破殺虜略與漢中

分漢書音義曰梁所虜吳楚之捷略與漢等明年漢立太子其後

梁最親有功又為大國居天下膏腴地地北

界泰山西至高陽徐廣曰在陳留圍縣駟案司馬彪曰圍有高陽亭也

○索隱曰圍縣屬陳留高陽鄉名也註引司馬彪者出續漢書郡國志四十餘

城皆多大縣孝王竇太后少子也愛之賞賜

不可勝道於是孝王築東苑索隱曰築謂建也白虎通云苑

所以東者何蓋以方三百餘里索隱曰蓋言其奢非實辭

或者梁國封域之方正義曰括地志云苑園在宋州宋城縣東南十里葛洪西京雜記

云梁孝王苑中有落猿巖栖龍岫鴈池鶴洲鳧島諸宮觀相連奇果佳樹瑰禽異獸靡不

畢備俗言梁孝王竹園廣睢陽城七十里索隱曰蘇林云廣其徑也

太康地理記云城方十三里梁孝王築之鼓倡節杵而後下和之者稱睢陽曲今踵以為

故所以樂家有睢陽曲蓋採其遺音也大治宮室為複道自宮

連屬於平臺三十餘里徐廣曰睢陽有平臺里駟案如淳曰在大

梁東北離宮所在晉灼曰或說在城中東北角○索隱曰如淳云在梁東北離宮所在者按



今城東二十里臨新河有故臺址不甚高俗云平臺又一名脩竹苑西京雜記云有落猿

巖鳧洲鴈渚連亘得賜天子旌旗出從千乘七十餘里是也

萬騎索隱曰漢官儀曰天子法駕三十六乘大駕八十一乘皆備千乘萬騎而出也

東西馳獵擬於天子出言趨入言警索隱曰漢舊儀

云皇帝輦動解警出殿則傳蹕出入清道言出入者互文耳出則亦有蹕也招延

四方豪傑自山以東游說之士莫不畢至齊

人羊勝公孫詭鄒陽之屬公孫詭多奇邪計

索隱曰周禮有奇衰之人鄭玄云奇衰諷怪非常也奇音紀宜反邪音斜初見王

賜千金官至中尉梁彌之曰公孫將軍梁多
 作兵器弩弓矛數十萬而府庫金錢且百巨
 萬索隱曰如淳云巨亦大與大百萬同也韋昭云大百萬今萬萬珠玉寶器
 多於京師二十九年十月梁孝王入朝景帝
 使使持節乘輿駟馬迎梁王於關下鄧展曰但將駟
 馬往贖曰稱乘輿駟馬則車馬皆往言不駕六馬耳天子副車駕駟馬既朝上
 疏因留以太后親故王入則侍景帝同輦出
 則同車游獵射禽獸上林中梁之侍中郎謁

者著籍引出入正義曰著竹略反籍謂名天薄也若今通引出入門也天

子殿門與漢官宦無異十一月上廢栗太子

竇太后心欲以孝王為後嗣大臣及袁盎等

有所關說於景帝索隱曰袁盎云漢家法周道立子是有所關涉之說

於帝也一云關者隔也引竇太后義格如淳

事而關隔其說不得行也閣不得下○索隱曰張晏云格止也服虔云格謂格閣不行蘇林音閣周成雜字故閣也

通俗文云高置立故棚云亦遂不復言以梁

王為嗣事由此以事祕世莫知乃辭歸國其

夏四月上立膠東王為太子梁王怨袁盎及
議臣乃與羊勝公孫詭之屬陰使人刺殺袁
盎及他議臣十餘人逐其賊未得也於是天
子意梁王索隱曰謂意疑梁刺之逐賊果梁使之乃遣
使冠蓋相望於道覆按梁捕公孫詭羊勝公
孫詭羊勝匿王後宮使者責二千石急梁相
軒丘豹正義曰姓軒丘名豹及內史韓安國進諫王王
乃令勝詭皆自殺出之上由此怨望於梁王

梁王恐乃使韓安國內長公主謝罪太后然
後得釋上怒稍解因上書請朝既至關茅蘭

說王漢書音義曰茅蘭孝王臣使乘布車張晏曰布車降服自比喪人

從兩騎入匿於長公主園漢使使迎王王已
入關車騎盡居外不知王處太后泣曰帝殺
吾子景帝憂恐於是梁王伏斧質於闕下謝
罪然後太后景帝大喜相泣復如故悉召王
從官入關然景帝益疏王不同車輦矣三十

五年冬復入朝上疏欲留上弗許歸國意忽忽

不樂北獵良山索隱曰漢書作梁山述狂記云良山際清水今壽張縣南

有良山服虔云是此山也○正義曰有獻牛括地志云梁山在鄆州壽張縣南

足出背上索隱曰張晏云足當處下所以輔身也今山背上象孝王背朝以干

上也北者陰也又在梁山明為梁也牛者丑之畜衡在六月北方數六故六月六日王薨也

孝王惡之六月中病熱六日卒謚曰孝王索隱

曰述狂記碣有孝王慈孝每聞太后病口不

能食居不安席常欲留長安侍太后太后亦



愛之及聞梁王薨竇太后哭極哀不食曰帝

果殺吾子景帝哀懼不知所為與長公主計

之乃分梁為五國索隱曰長子買梁共王子明濟川王子彭離濟東王

子定山陽王子盡立孝王男五人為王女五

人皆食湯沐邑於是奏之太后太后乃說為

帝加壹餐梁孝王長子買為梁王是為共王

子明為濟川王子彭離為濟東王子定為山

陽王子不識為濟陰王孝王未死時財以巨

萬計不可勝數及死藏府餘黃金尚四十餘萬斤他財物稱是梁共王三年景帝崩共王立七年卒子襄立是為平王

梁平王襄

索隱曰漢書作讓

十四年母曰陳太后共

王母曰李太后李太后親平王之太母也而

平王之后姓任曰任王后任王后甚有寵於

平王襄初孝王在時有壘樽

鄭德曰上蓋刻為雲雷象○索

隱曰應劭曰詩云酌彼金壘壘有書雲雷之象以金飾之直千金孝王誠

後世善保壘樽無得以與人任王后聞而欲

得壘樽平王大母李太后曰先王有命無得

以壘樽與人他物雖百巨萬猶自恣也任王

后絕欲得之平王襄直使人開府取壘樽賜

任王后李太后大怒漢使者來欲自言平王

襄及任王后遮止閉門李太后與爭門措措

晉灼曰許慎措置措以為策○索隱曰措音

逆側格反漢書王陵傳迫進前隊皆作此字說文云迫策也謂為門扉所策遂不得見漢使者李太后亦

私與食官長及郎中尹霸等正義曰張先生通亂

舊本有士字先生疑是衍字又不敢除故以朱大點其字中心今按侯官長及郎中尹霸

等是士人太后與通亂其義亦通而王與任太后以此使人

風止李太后李太后內有淫行亦已後病薨

病時任后未嘗請病薨又不持喪元朔中

陽人類豻反者索隱曰韋昭云豻音岸按類豻反人姓名也反字或作友

人有辱其父而與淮陽太守客出同車太守

客出下車類豻反殺其仇於車上而去淮陽

太守怒以讓梁二千石二千石以下求反甚

急執反親戚反知國陰事乃上變事具告知

王與大母爭樽狀時丞相以下見知之欲以

傷梁長吏其書聞天子天子下吏驗問有之

公卿請廢襄為庶人天子曰李太后有淫行

而梁王襄無良師傳故陷不義乃削梁八城

梟任王后首于市梁餘尚有十城襄立三十

九年卒謚為平王子無傷立為梁王也

濟川王明者梁孝王子以桓邑侯

索隱曰地理志桓邑

關孝景中六年為濟川王七歲坐射殺其中

尉漢有司請誅天子弗忍誅廢明為庶人遷

房陵地入于漢為郡

濟東王彭離者梁孝王子以孝景中六年為

濟東王二十九年彭離驕悍無人君禮昏暮

私與其奴亡命少年數十人行剽殺人取財

物以為好如淳曰以是為好喜之事所殺數覺者百餘人

國皆知之莫敢夜行所殺者子上書言漢有

司請誅上不忍廢以為庶人遷上庸地入于

漢為大河郡

山陽哀王定者梁孝王子以孝景中六年為

山陽王九年卒無子國除地入于漢為山陽

郡

濟陰哀王不識者梁孝王子以孝景中六年

為濟陰王一歲卒無子國除地入于漢為濟

陰郡

太史公曰梁孝王雖以親愛之故主膏腴之地然會漢家隆盛百姓殷富故能植其財貨廣宮室事服擬於天子然亦僭矣

褚先生曰臣為即時聞之於宮殿中老郎吏好事者稱道之也竊以為令梁孝王怨望欲為不善者事從中生今太后女主也以愛少子故欲令梁王為太子大臣不時正言其不

可狀阿意治小私說意以受賞賜非忠臣也

齊如魏其侯竇嬰之正言也

索隱曰竇嬰袁盎皆言如周家

立子不何以有後禍景帝與王燕見侍太后

飲景帝曰千秋萬歲之後傳王太后喜說竇嬰在前據地言曰漢法之約傳子適孫今帝何以得傳弟擅亂高帝約乎於是景帝默然無聲太后意不說故成王與小弱弟立樹下取一桐葉以與之曰吾用封汝周公聞之進

見曰天王封弟甚善成王曰吾直與戲耳周公曰人主無過舉不當有戲言言之必行之於是乃封小弟以應縣索隱曰此說與晉世家不同事與封叔虞同彼云封唐此云封應應亦成王之弟或別有所見故不同○正義曰括地志云故應城故應鄉也在汝州魯山縣東四十里呂氏春秋云成王戲削桐葉為圭以封叔虞非應侯也又汲冢古文云殷時已有應國非成王所造是後成王浚齒不敢有戲言言必行之孝經曰非法不言非道不行此聖人之法言也今主上不冝出好言於

梁王梁王上有太后之重驕蹇日久數聞景帝好言千秋萬歲之後傳王而實不行又諸侯王朝見天子漢法凡當四見耳始到入小見到正月朔旦奉皮薦璧玉賀正月法見後三日為王置酒賜金錢財物後二日復入小見辭去凡留長安不過二十日小見者燕見於禁門內飲於省中非士人所得入也今梁王西朝因留且半歲入與人主同輦出與同

車示風以大言而實不與令出怨言謀畔逆
乃隨而憂之不亦遠乎非大賢人不知退讓
今漢之儀法朝見賀正月者常一王與四侯
俱朝見十餘歲一至今梁王常比年入朝見
久留鄙語曰驕子不孝非惡言也故諸侯王
當為置良師傅相忠言之士如汲黯韓長孺
等敢直言極諫安得有患室蓋聞梁王西入
朝謁竇太后燕見與景帝俱侍坐於太后前

語言私說太后謂帝曰吾聞殷道親親周道

尊尊其義一也索隱曰殷人尚質親親謂其弟而授之周人尚文尊尊謂

尊祖之正體故立其子尊其祖也安車大駕用梁孝王為寄

景帝跪席舉身曰諾罷酒出帝召袁盎諸大

臣通經術者曰太后言如是何謂也皆對曰

太后意欲立梁王為帝太子帝問其狀袁盎

等曰殷道親親者立弟周道尊尊者立子殷

道質質者法天親其所親故立弟周道文文

者法地尊者敬也敬其本始故立長子周道
太子死立滴孫殷道太子死立其弟帝曰於
公何如皆對曰方今漢家法周周道不得立
弟當立子故春秋所以非宋宣公宋宣公死
不立子而與弟弟受國死復反之與兄之子
弟之子爭之以為我當代父後即刺殺兄子
以故國亂禍不絕故春秋曰君子大居正宋
之禍宣公為之臣請見太后白之袁盎等入

見太后太后言欲立梁王梁王即終欲誰立
太后曰吾復立帝子袁盎等以宋宣公不立
正生禍禍亂後五世不絕小不忍害大義狀
報太后太后乃解說即使梁王歸就國而梁
王聞其議出於袁盎諸大臣所怨望使人來
殺袁盎袁盎顧之曰我所謂袁將軍者也公
得毋誤乎刺者曰是矣刺之置其劍劍著身
視其劍新治問長安中削厲工工曰梁郎某

子來治此劔索隱曰謂梁國之郎是孝以此王官屬某子史失其名姓

知而裝覺之發使者捕逐之獨梁王所欲殺

大臣十餘人文吏窮本之謀反端頗見太后


不食日夜泣不止景帝甚憂之問公卿大臣

大臣以為遣經術吏往治之乃可解於是遣

田叔呂季主往治之此二人皆通經術知大

禮來還至霸昌廐正義曰括地志云漢霸昌廐在雍州萬年縣東北三

里十八取火悉燒梁之反辭但空手來對景帝



景帝曰何如對曰言梁王不知也造為之者

獨其幸臣羊勝公孫詭之屬為之耳謹以伏

誅死梁王無恙也景帝喜說曰急趨謁太后

太后聞之立起坐食氣平復故曰不通經術

知古今之大禮不可以為三公及左右近臣

少見之人如從管中闚天者也

索隱述贊曰

文帝少子 徙封於梁 太后鍾愛

廣築睢陽 旌旗警蹕 勢擬天王

功扞吳楚 計醜孫羊 寶嬰正議

袞盜劫傷 漢窮梁獄 冠蓋相望

禍成驕子 致此猖狂 雖分五國

卒亦不昌

梁孝王世家第二十八 史記五十八

五宗世家第二十九 史記五十九

索隱曰景帝子十四人一武帝餘十
三人為王漢書謂之景十三王此名

五宗者十三人為王其
母五人同母者為宗

孝景皇帝子凡十三人為王而母五人同母

者為宗親栗姬子曰榮德闕子索隱曰闕音
過漢書無于

字程姬子曰餘非端賈夫人子曰彭祖勝唐

姬子曰發王夫人兒姁子曰越寄乘舜索隱
曰姁

音光羽反兒姁夫
人名王皇后之妹